

125

mino Zuan de Candidis dottor, citadin de Udene, cugnato del prefato Zuanendrigo, *cum* alcuni altri de la terra se feceno molto ben intender, per affermar el prenominato domino Zuan de Candidis, haver auto lettere dal ditto Zuanendrigo che tutto el campo alemano vegniva a quelle bande: et cussì fatta la elletione de tre citadini che andasseno a capitar, stante io su la piazza armato e cercando de disturbar tal sua fantasia. Et non havendo alcun provisionato che stessee a la guardia de le porte, per uno fameglio di domino Alberto consorte da Spilimbergo fu bassato el ponte, et li inimici introno senza alcuna conclusione, metando a sacco tutte le case dei Calderar e de tutti li adversarii del Zuanendrigo, et *etiam* tutta la roba mia. El qual Zuanendrigo me messe le man adosso grandemente menazandomi in quella furia, et tolseme el cento *cum* i danari, arme, et cavallo, dagando me in mano de monsignor de la Rosa. Ditto Zuanendrigo et domino Zuane de Candidis in quella sera usorno parole molto ignominose contra le Excellentie Vostre, e quel medemo feze el prefato domino Zuane siando sotto Gradisca, che io lo aldii più volte. Ritrovandomi la prima sera de la mia presa a tavola *cum* monsignor da la Rosa, fu rasonato per un conte de Lodron parente de i nipoti del Savorgnano, qual conte era stà mezano in farlo mancar de fede, ch'el zorno avanti, che fu el venere a di 19 settembre, per unirse *cum* lo resto del campo che era a Valvasone, soprazonse el Savorgnano a dare la obedientia. El sabato, acampati in la villa de Coloredo de Pra', miglia 4 lontan da

Udene, monsignor da la Rosa *cum* altri capitani, zà havendo capitolato *cum* la terra et composto *cum* missier Antonio di Valdanon commissario regio, che haveva tal carico, in ducati 3000, se transferiton in essa terra. La domenica, alozati in la villa de Pavia, soprazonse domino Guarnier da Manzano *cum* altri citadini da Civald, e deteno la terra *cum* compositione de ducati 2000. El luni se acamparono sotto Gradisca, et piantate le artelarie, da 20 in cercha pezzi tolseno da Udene tra canoni colubrine et falconeti *cum* alquanti sacri da Civald et alcune bombarde feceno vegnir da Goritia, tra le qual una grossissima de bronzo quale fu zà do anni gitata de li in Goritia, forono tratte dal marti fino al venere a hora de nona infiniti colpi de artelarie grosse, tra quelle del monte tratte in la terra et quelle a la pianura batevano le muraglie. El zuoba de notte, el trombete de Bataglino, *cum* doi soi balestreri, se partino de Gradisca senza licentia nè saputa alcuna de' provedadori et governadori, et la matina seguente a l'alba

venero a trovar monsignor de la Rosa, et haveno a dir, che io udivali, abenchè li magnifici provedadori et domino Baldesar Scipion governador non vogliono assentire a la deditione de la terra, che loro, per nome de li soldati, fusseno salvi, poco se incuraveno de li dicti provedadori et governadori. Lo exercito alemano che vene in Friuli sotto Gradisca, formò da 500 cavali todeschi *cum* armadure disoperte et elmeti a la leziera, cavali 100 in circa borgognoni, cavali 100 francesi de la compagnia de Fontanaglia, *cum* alquanti homini d'arme de monsignor de Hymbereurt, do' cusini de Lodron *cum* cavali 40, el conte Alberto da Sarego *cum* balestrieri. 36, el signor di Agresta et di Archo *cum* pochi cavali et da 120 stratioti de Mercurio Bua, quali asendon in tutto da cavalli 300, ultra 200' e più croatini che veneno sotto Gradisca *cum* il conte Christophoro Frangipani. De fantarie, contai bandiere numero 22, et per quel mi veniva ditto, alcune erano de 200, 300, 400 in fino 500 fanti per bandiera. Poi, el zuobia driedo disnar, che fu ordinato dar la bataglia e furno conduce alquante bote de vin per essa fantaria, soprazonse tutta la guardia di Goritia, tutti bohemi schiopeteri benissimo armati, ultra grandissimo numero de schiavi, ch'el zorno de mercore et zuobia vegnivano da ogni banda che si andò lo nostro alozamento, apresso la strada de Goritia a Gradisca. El tutto vedeva. El venere, sul hora de nona, per domino Georgio Lychtestan capitano zeneral del campo cesareo, vescovo de Lubiana, et missier Moyses capitano de Goritia, et dissentiente *in hoc* monsignor de la Rosa qual voleva *omnino* dar la bataglia per tgnir la impresa facile *aut* se rendesseno a discrezione, fu composto *cum* quelli erano dentro, *cum* reservatione de le persone di provedadori e governadori, zentilhomeni et soldati erano dentro et robe sue. Et chi de loro tollesse questo assumpto di renderse, non intesi, per esser allora a li alozamenti. Ma ben poi, per Basilio de la Scuola vicentino, ritrovandomi a tavola quella sera *cum* monsignor de la Rosa et il dicto, fo usato queste formal parole: El me feva un gran fastidio el provedador Mocenigo, qual non volse risponder altro a lo acordo, salvo ch'el diceva: « mio avo aquisò questa Patria et io non la volio dar via » come li bastasse l'animo di difenderla lui solo. L'è stà facto mal tuor el dicto et li altri a questo modo, piantade et tracte che si ha tante botte de artelaria. Questo serà un mal exemplo a voler prender Treviso. El gover-

nador se n'è scampato, et non ha voluto stare a lo acordo, et sarà ben tuorli tutti li suoi cavalli, come in

126